

Hozirgi vaqtida mazkur hujjatga o'zgartirish kiritilmoqda

**O'ZBEKISTON RESPUBLIKASI PREZIDENTINING
QARORI**

SPORTNI RIVOJLANTIRISH VAZIRLIGI FAOLIYATINI TASHKIL ETISH TO'G'RISIDA

O'zbekiston Respublikasi Prezidentining 2022-yil 18-fevraldagi "Turizm, madaniy meros va sport sohalarida davlat boshqaruvini takomillashtirishga doir tashkiliy chora-tadbirlar to'g'risida"gi PF-75-son **Farmoniga** muvofiq:

1. Quyidagilar:

Sportni rivojlantirish vazirligining tashkiliy tuzilmasi **1-ilovaga** muvofiq;

Sportni rivojlantirish vazirligi markaziy apparatining boshqaruva xodimlari cheklangan soni 76 nafar bo'lgan tuzilmasi **2-ilovaga** muvofiq tasdiqlansin.

2. Sportni rivojlantirish vazirligining hududiy bo'linmalari boshqaruva xodimlarining cheklangan soni 594 nafar etib belgilansin.

3. Sportni rivojlantirish vaziriga:

sportni rivojlantirish vaziri o'rnbosarlari o'rtasida aniq vazifalar va funksiyalarni taqsimlash;

davlat organlari va boshqa tashkilotlar, yetakchi loyiha institutlari, ilmiy va ta'lrim muassasalari, xalqaro tashkilotlar, xorijiy kompaniyalarning yuqori malakali mutaxassislarini, shuningdek, ekspertlarni maslahatchi sifatida jalg qilish;

zarur hollarda, xodimlarning belgilangan umumiy soni doirasida Sportni rivojlantirish vazirligi markaziy apparati, shuningdek, tizim tashkilotlari tuzilmasiga o'zgartirishlar kiritish;

Qoraqalpog'iston Respublikasi Sportni rivojlantirish vazirligi, Sportni rivojlantirish vazirligining viloyatlar va Toshkent shahar bosh boshqarmalari, tumanlar (shaharlar) bo'limlari tuzilmalari va nizomlarini tasdiqlash, shuningdek, ular boshqaruva xodimlarining cheklangan sonini belgilash huquqi berilsin.

4. Belgilansinki:

Sportni rivojlantirish vazirligi faoliyatini muvofiqlashtirish Bosh vazirning ijtimoiy rivojlantirish masalalari bo'yicha o'rnbosari tomonidan amalga oshiriladi;

Vazirlar Mahkamasi apparati Turizm, sport, madaniyat va ommaviy kommunikatsiyalar masalalari kotibiyatining sport sohasiga mas'ul xodimlari Vazirlar Mahkamasi apparatining Ta'lim va sog'liqni saqlash masalalari kotibiysi tarkibiga o'tkaziladi.

Vazirlar Mahkamasi bir oy muddatda mazkur banddag'i talablardan kelib chiqib Hukumat apparatining shtat jadvaliga hamda tegishli tarkibiy bo'linmalar to'g'risidagi nizomlarga o'zgartirish va qo'shimchalar kiritilishini ta'minlasin.

5. Sportni rivojlantirish vazirligi huzurida budgetdan tashqari Sportni qo'llab-quvvatlash jamg'armasi (keyingi o'rnlarda — Jamg'arma) tashkil qilinsin.

Turizm va sportni qo'llab-quvvatlash jamg'armasiga sport sohasidan kelib tushgan mablag'lar Jamg'armaga to'liq o'tkazilsin.

6. Belgilab qo'yilsinki:

Sportni rivojlantirish vazirligi hamda uning hududiy bo'linmalari faoliyati Davlat budgeti mablag'lari, vazirlikning budgetdan tashqari mablag'lari hamda qonunchilik hujjatlari bilan taqilanganman boshqa manbalar hisobidan moliyalashtiriladi;

Jamg'arma mablag'lari Sportni rivojlantirish vazirligi va uning hududiy bo'linmalari, shuningdek, tizim tashkilotlari xodimlarini qo'shimcha rag'batlantirishga yo'naltiriladi.

7. Quyidagilar Jamg'arma mablag'larini shakllantirishning manbalari etib belgilansin:

muassis Sportni rivojlantirish vazirligi hisoblangan korxonalar va tashkilotlar (keyingi o'rnlarda — tizim tashkilotlari) ixtiyorida soliqlar va yig'imlar to'langanidan keyin qoladigan sof

foydaning bir qismi;

xususiy lashtirish to'g'risidagi qarorlarga muvofiq davlat mulki obyektlarini realizatsiya qilishdan tushadigan tegishli mablag'lar;

tizim tashkilotlarining mol-mulkini (bundan ko'chmas mulk mustasno) sotishdan tushgan mablag'larning 50 foizi;

tizim tashkilotlarining mol-mulkini ijara berishdan tushgan budgetga yo'naltirilayotgan mablag'larning 50 foizi;

tizim tashkilotlari faoliyatini tekshirish natijalari bo'yicha Sportni rivojlantirish vazirligining ichki audit xizmatlari tomonidan aniqlangan Davlat budgeti mablag'larining, shuningdek, talon-toroj, rastratalar, kamomadlar summalarining 50 foizi;

tizim tashkilotlari faoliyatini tekshirish natijalari bo'yicha Sportni rivojlantirish vazirligining ichki audit xizmatlari tomonidan aniqlangan hamda davlat maqsadli jamg'armalari va budgetdan tashqari jamg'armalar daromadiga undirilgan noqonuniy sarflangan budget mablag'lari, talon-toroj, rastratalar, kamomadlar summalar;

tizim tashkilotlarining budgetdan tashqari jamg'armalariga tushadigan mablag'larning 10 foizi;

Jamg'armaning vaqtincha bo'sh turgan mablag'larini joylashtirishdan olinadigan daromadlar;

sport sohasidagi davlat-xususiy sheriklik loyihibalarini amalga oshirishdan tushadigan mablag'lar;

jismoniy va yuridik shaxslarning, shu jumladan O'zbekiston Respublikasi norezidentlarining homiylik xayriyalari;

xalqaro moliya tashkilotlari va xorijiy davlatlarning grantlari va texnik ko'maklashish mablag'lari;

qonunchilik hujjalarda taqiqlanmagan boshqa manbalar.

8. Belgilansinki:

Davlat aktivlarini boshqarish, transformatsiya va xususiy lashtirish jamg'armasiga davlat aktivlarini sotishdan tushadigan mablag'larining 3 foizi (Qoraqalpog'iston Respublikasi Vazirlar Kengashi Raisining, viloyatlar va Toshkent shahar hokimlarining qarorlari asosida sotiladigan davlat mulki obyektlarini sotishdan hamda yer uchastkalarini xususiy lashtirishdan tushadigan mablag'lar bundan mustasno) Jamg'armaga yo'naltiriladi. Bunda, ushbu mablag'larning bir qismi tadbirkorlikni rivojlantirishni qo'llab-quvvatlash, shu jumladan tadbirkorlar uchun tashkil etiladigan o'quv kurslarini maqsadli moliyalashtirish uchun Savdo-sanoat palatasiga yo'naltiriladi va uning miqdori Savdo-sanoat palatasi Prezidiumi tomonidan belgilanadi;

Turizm va sport vazirligining mol-mulki, shu jumladan avtotransport vositalarini Sportni rivojlantirish vazirligiga o'tkazishda qayta rasmiylashtirish uchun to'lovlar undirilmaydi;

Sportni rivojlantirish vazirligi tomonidan qayta tashkil etilayotgan, tugatilayotgan, o'zgartirilayotgan va boshqa tashkilotlar tizimiga o'tkazilayotgan tashkilotlarga biriktirilgan ko'chmas mulk obyektlariga va boshqa mol-mulkka bo'lgan huquqlar tegishli yig'imlar va boshqa to'lovlar undirilmagan holda qayta rasmiylashtiriladi;

Turizm va sport vazirligining markaziy apparati xodimlarini Sportni rivojlantirish vazirligiga ishga qabul qilish sportni rivojlantirish vaziri tomonidan tegishli davlat organlari tomonidan ilgari amalga oshirilgan kelishuvlarni, tanlov natijalarini inobatga olgan holda, mustaqil amalga oshiriladi;

Sportni rivojlantirish vazirligi to'g'risidagi nizom tasdiqlangunga qadar, Sportni rivojlantirish vazirligi hamda hududiy bo'linmalar xodimlarining mehnatiga haq to'lash tartibi va shartlari Vazirlar Mahkamasining 2021-yil 31-iyuldaggi 477-soni qarori bilan tasdiqlangan Turizm va sport vazirligi to'g'risidagi **nizomga** va amaldagi tartibga asosan amalga oshiriladi.

Sportni rivojlantirish vazirligi bir oy muddatda vazirlik to'g'risidagi nizomni tasdiqlash uchun Vazirlar Mahkamasiga kirtsin.

9. Sportni rivojlantirish vazirligi Moliya vazirligi bilan birgalikda ikki hafta muddatda Davlat budgetining 2022-yil uchun tasdiqlangan budget parametrlariga ushbu qaror talablaridan kelib